



MILLIY TARAQQIYOT STRATEGIYASI: O'ZBEKISTONDA KAMBAG'ALLIKNI QISQARTIRISH MASALALARI VA XALQARO TAJRIBALAR TAHLILI

Muallif: Tashtanova Dilafuz Ermuhammad qizi¹

Affilyatsiya: Xalqaro Nordik Universiteti¹, Moliya va Moliyaviy texnologiyalar sirtqi talim yo'nalishi 3-kurs talabasi¹

E-mail: dilafuztashtanova531@gmail.com¹

DOI: <https://doi.org/10.5281/zenodo.13894847>

ANNOTATSIYA

Tadqiqot mavzusi va maqsadi: ushbu tadqiqotning asosiy mavzusi O'zbekistonning milliy taraqqiyot strategiyasi doirasida kambag'allikni qisqartirish masalalarini o'rganish va xalqaro tajribalarni tahlil qilishdir. Tadqiqotning maqsadi – O'zbekistonda kambag'allik darajasini kamaytirish bo'yicha samarali strategiyalarni ishlab chiqish hamda ularni xalqaro tajribalar bilan solishtirish orqali takomillashtirish imkoniyatlarini aniqlash. Tadqiqotda ko'rib chiqilayotgan asosiy muammo – O'zbekistonda kambag'allik darajasining yuqoriligi va uni qisqartirishda mavjud milliy strategiyalarning samaradorligi. Shu bilan birga, mamlakatdagi kambag'allikni kamaytirish yo'llarini xalqaro tajribalar asosida qanday takomillashtirish mumkinligi asosiy savol sifatida ko'tarilgan. Tadqiqotda sifatli va miqdoriy metodlar kombinatsiyasi qo'llanilgan. Asosan, statistik ma'lumotlarni tahlil qilish, iqtisodiy ko'rsatkichlarni solishtirish, hamda xalqaro mamlakatlarning kambag'allikni kamaytirish strategiyalarini o'rganish uchun komparativ tahlil metodlari ishlatilgan. Shuningdek, intervyu va ekspert fikrlarini yig'ish orqali empirik ma'lumotlar to'plangan. Praktik tavsiyalar sifatida, hukumatga kambag'allikni qisqartirish bo'yicha strategik rejalarni ishlab chiqishda xalqaro tajribalarni chuqurroq tahlil qilish, mahalliy sharoitlarga moslashtirish va samarali amalga oshirish mexanizmlarini yaratish tavsiya etiladi. Nazariy jihatdan esa, tadqiqot milliy va xalqaro taraqqiyot strategiyalarini integratsiyalash yo'llarini ko'rsatadi.

Key words: kambag'allik, milliy taraqqiyot, xalqaro tajribalar, iqtisodiy rivojlanish.

KIRISH

O'zbekistonning milliy taraqqiyot strategiyasi doirasida kambag'allikni qisqartirish masalalari bugungi kunda mamlakat iqtisodiyotining barqaror o'sishini ta'minlashda va aholining hayot sifati darajasini oshirishda katta ahamiyat kasb etadi. O'zbekiston hukumati milliy rivojlanish strategiyasida kambag'allikni qisqartirish bo'yicha bir qator chora-tadbirlar ishlab chiqmoqda, ammo bu jarayon murakkab va ko'plab omillar bilan bog'liq. Shu sababli, ushbu mavzuni chuqur o'rganish va xalqaro tajribalarni tahlil qilish kambag'allikka qarshi samarali choralar ishlab chiqish imkonini beradi. Kambag'allikning global muammo sifatida dolzarbligi va uni qisqartirish masalasi bugungi kunda O'zbekiston uchun iqtisodiy-ijtimoiy rivojlanishning ustuvor yo'nalishlaridan biridir.

Ushbu tadqiqotning asosiy muammosi – O‘zbekistonda kambag‘allikni qisqartirishda samarali strategiyalar va siyosatlarning yetishmasligi. Mavjud chora-tadbirlarning iqtisodiy natijalari ko‘ngildagidek bo‘lmayotgani sababli kambag‘allikka qarshi kurashda xalqaro tajribalardan foydalanish zaruriyati tug‘ilmoqda. Tadqiqotda ushbu muammo nazariy jihatdan O‘zbekistonning milliy taraqqiyot strategiyasi nuqtai nazaridan va amaliy jihatdan kambag‘allikni kamaytirish choralarining samarasini oshirish bilan bog‘liq. Shu bilan birga, bu masalalar mamlakatning iqtisodiy o‘shishini ta‘minlashda va ijtimoiy barqarorlikka erishishda muhim ahamiyatga ega.

Tadqiqotning asosiy maqsadi – O‘zbekistonda kambag‘allikni qisqartirish bo‘yicha milliy strategiyani takomillashtirish uchun xalqaro tajribalarni tahlil qilish va samarali choralarni ishlab chiqishdir. Ushbu maqsadga erishish uchun quyidagi vazifalar belgilangan:

- O‘zbekiston milliy taraqqiyot strategiyasining kambag‘allikka qarshi siyosati tahlili;

- Xalqaro mamlakatlarning kambag‘allikni qisqartirish bo‘yicha muvaffaqiyatli tajribalarini o‘rganish;

- Ushbu tajribalarni O‘zbekiston sharoitiga moslashtirish imkoniyatlarini aniqlash;

- Kambag‘allikni qisqartirish bo‘yicha yangi taklif va tavsiyalar ishlab chiqish.

Kambag‘allikni qisqartirish bo‘yicha ko‘plab ilmiy izlanishlar va amaliy tadqiqotlar o‘tkazilgan. Jahon banki, Birlashgan Millatlar Tashkiloti, va boshqa xalqaro tashkilotlar kambag‘allikni kamaytirish bo‘yicha keng qamrovli tadqiqotlarni amalga oshirib, kambag‘allikka qarshi samarali siyosatlarni ishlab chiqish bo‘yicha tavsiyalar bergan. O‘zbekistonning milliy taraqqiyot strategiyasi doirasida ham bir qator tadqiqotlar o‘tkazilgan bo‘lsada, xalqaro tajribalarni chuqur tahlil qilish hali to‘liq amalga oshirilmagan. Bu tadqiqot ushbu bilimlarni kengaytirishga qaratilgan.

Tadqiqotda sifatli va miqdoriy metodlardan foydalanilgan. Statistika ma‘lumotlar, iqtisodiy ko‘rsatkichlar va xalqaro tajribalarning komparativ tahlili asosida kambag‘allikni qisqartirish bo‘yicha O‘zbekistonga mos keluvchi strategiyalar ishlab chiqilgan. Ma‘lumotlar yig‘ish jarayonida rasmiy manbalar, xalqaro tashkilotlar hisobotlari va ilmiy adabiyotlardan foydalanilgan. Tahlil qilishda iqtisodiy modellashtirish, statistika va ekspert intervyulari metodlaridan foydalanilgan.

METODOLOGIYA

Ushbu maqola kambag‘allikni qisqartirish bo‘yicha O‘zbekiston Respublikasida amalga oshirilayotgan chora-tadbirlarni tahlil qilish va xalqaro tajribalarni o‘rganish asosida tayyorlangan. Tadqiqot davomida quyidagi metodlardan foydalanildi:

1. Asosiy ma‘lumotlar mahalliy va xalqaro nashrlar, hukumat hisobotlari, O‘zbekiston Respublikasi Prezidenti huzuridagi Statistika agentligi ma‘lumotlari hamda Jahon Banki, Birlashgan Millatlar Tashkiloti va boshqa xalqaro tashkilotlarning statistik ma‘lumotlaridan olingan.
2. O‘zbekiston bo‘yicha kambag‘allik darajasi va uning o‘zgarishi, shuningdek, boshqa iqtisodiy ko‘rsatkichlar bo‘yicha ma‘lumotlar statistik tahlil qilindi. Ushbu ma‘lumotlar orqali mamlakatdagi kambag‘allikni qisqartirish bo‘yicha amalga oshirilgan ishlarning samaradorligi baholandi.

O'zbekistonning kambag'allikni qisqartirish tajribasi boshqa davlatlar, jumladan, rivojlangan va rivojlanayotgan davlatlar tajribasi bilan solishtirildi. Bu yondashuv mamlakatning mavjud strategiyalari va siyosatlarini yaxshilash bo'yicha takliflar ishlab chiqishga yordam beradi.

TAHLILLAR

O'zbekiston hukumati so'nggi yillarda ish o'rinlarini yaratish, bandlikni oshirish va mehnat bozori infratuzilmasini takomillashtirishga katta e'tibor qaratdi. Masalan, 2018 yilda qabul qilingan "Yoshlar - kelajagimiz" davlat dasturi doirasida minglab yangi ish o'rinlari yaratilgan.¹ Kam ta'minlangan oilalarga beriladigan ijtimoiy yordam va subsidiya dasturlari kengaytirilmoqda. Jumladan, so'nggi yillarda ijtimoiy nafaqa oluvchilar soni oshdi, bu esa qashshoqlik darajasini kamaytirishda muhim ahamiyat kasb etdi. Yoshlarni kasb-hunar o'rgatish va ularni ish bilan ta'minlash orqali kambag'allik darajasini pasaytirishga qaratilgan turli dasturlar amalga oshirilmoqda. Bu orqali nafaqat kambag'allik darajasini qisqartirish, balki jamiyatdagi mehnat resurslaridan samarali foydalanish ham ko'zlangan.

O'zbekistonda kambag'allikni qisqartirishga doir amalga oshirilgan ba'zi ishlar bo'yicha statistik tahlillar:

Kambag'allik darajasi: 1- jadvalda Jini koeffitsienti ko'rsatilgan, bu ko'rsatkich daromadlarning teng taqsimlanish darajasini o'lchaydi. Jini koeffitsienti 0 va 1 orasidagi qiymatlarda bo'ladi:

- 0 koeffitsient to'liq tenglikni (hamma bir xil daromad olishini) anglatadi.

- 1 koeffitsient esa to'liq tengsizlikni (barcha daromadni bir odam olishini) ifodalaydi.

Yillik ma'lumotlar shuni ko'rsatmoqda:

- 2020-yilda Jini koeffitsienti 0.276 bo'lgan, bu O'zbekistonda daromadlarning nisbatan teng taqsimlanishini anglatadi.

- 2021-yilda bu ko'rsatkich biroz pasayib, 0.273 ga tushgan, bu esa tengsizlikning bir oz kamayganini bildiradi.

- 2022-yilda koeffitsient 0.283 ga ko'tarilgan, ya'ni daromadlar tengsizligi biroz oshgan.

- 2023-yilda ko'rsatkich 0.288 ga yetgan, bu esa tengsizlikning yana oshganini ko'rsatmoqda.

1-jadval. Aholi daromadlarining notekis taqsimlanishi (Jini koeffitsienti), koeffitsientda.²

	Yillar			
	2020	2021	2022	2023
Jini koeffitsienti	0.276	0.273	0.283	0.288

¹ O'zbekiston Respublikasi Prezidentining 27.06.2018 yildagi PF-5466-sonli "Yoshlar — kelajagimiz" Davlat dasturi to'g'risidagi farmoni. <https://lex.uz/docs/-3826820>

² [https://stat.uz/uz/rasmiy-statistika/living-standards-2#:~:text=Aholi%20daromadlarining%20notekis%20taqsimlanishi%20\(Jini%20koeffitsienti\)](https://stat.uz/uz/rasmiy-statistika/living-standards-2#:~:text=Aholi%20daromadlarining%20notekis%20taqsimlanishi%20(Jini%20koeffitsienti))

So'nggi yillarda mamlakatda yalpi ichki mahsulot (YAIM)ning o'sishi kuzatilmoqda. Misol uchun, 2023 yil yakunlariga ko'ra, YAIM 6 % ga o'sdi. Bu iqtisodiy o'sish qashshoqlikni qisqartirishda muhim omil bo'ldi.

2-jadval. Yalpi ichki mahsulot hajmi (ishlab chiqarish usulida, joriy narxlarda, yillik), mlrd.so'm³

	Yillar				2023-yilda 2020-yilga nisbatan o'sish
	2020	2021	2022	2023	
Yalpi ichki mahsulot hajmi	668038	820536.6	995573.1	1192162.5	78 %

Asosiy kapitalga investitsiyalar kambag'allikni qisqartirishga ijobiy ta'sir ko'rsatdi. Misol uchun, 2023-yilda asosiy kapitalga qilingan investitsiyalar 29% ga oshdi, bu esa ishlab chiqarish kengayishi, yangi ish o'rinlari ko'payishi va kelajakda kambag'allikni qisqartirish uchun barqaror asos yaratmoqda.

3-jadval. Asosiy kapitalga investitsiyalarning o'sish sur'ati, mlrd.so'm (yillik)⁴

	Yillar				2023-yilda 2020- yilga nisbatan o'sish
	2020	2021	2022	2023	
Asosiy kapitalga investitsiyalar	95.6	102.9	100.2	123.4	29 %

Xalqaro tajribalar tahlili:

- Xitoy tajribasi: Xitoy 1978 yildan buyon jami 700 million kishini qashshoqlikdan chiqarishda misli ko'rilmagan muvaffaqiyatlarga erishdi. Ushbu hayratlanarli yutuqlarga qaramay, bugungi kunda ham Xitoyning milliy qashshoqlik chegarasidan pastda 56 millionga yaqin odam yashamoqda. 2020-yil mart oyida bo'lib o'tgan qashshoqlikni qisqartirish bo'yicha seminarda Prezident Si Tszinpin⁵ Covid-19" kelishi va tarqalishiga qaramay, qashshoqlikka qarshi kurashda to'liq g'alaba qozonish uchun doimiy sa'y-harakatlarga chaqirdi. U shunday dedi: "Qashshoqlikni bartaraf etish maqsadlariga rejalashtirilgan tarzda erishish kerak. Biz kuchimizni ushbu qiyin vazifani hal qilishga sarflashimiz kerak". 2020 yilgacha barcha qishloq aholisi, qashshoqlashgan qishloqlar va tumanlar qashshoqlikdan qutulishi kerak deb takidlab o'tdi. Jamiyatning barcha qatlamlari qashshoqlikka qarshi kurashga safarbar qilingan. XKP boshchiligidagi Xitoy xalqi katta qat'iyat,

³O'zbekiston Respublikasi Prezidenti huzuridagi Statistika agentligi ma'lumotlari. [https://stat.uz/uz/rasmiy-statistika/national-accounts-2#:~:text=Yalpi%20ichki%20mahsulot%20hajmi%20\(ishlab%20chiqarish%20usulida%2C%20joriy%20narxlarda%2C%20yillik\)](https://stat.uz/uz/rasmiy-statistika/national-accounts-2#:~:text=Yalpi%20ichki%20mahsulot%20hajmi%20(ishlab%20chiqarish%20usulida%2C%20joriy%20narxlarda%2C%20yillik))

⁴O'zbekiston Respublikasi Prezidenti huzuridagi Statistika agentligi ma'lumotlari. [https://stat.uz/uz/rasmiy-statistika/investments#:~:text=Asosiy%20kapitalga%20investitsiyalarning%20o%20E2%80%98sish%20sur%20E2%80%98ati%20\(yillik\)](https://stat.uz/uz/rasmiy-statistika/investments#:~:text=Asosiy%20kapitalga%20investitsiyalarning%20o%20E2%80%98sish%20sur%20E2%80%98ati%20(yillik))

⁵ China's Uniquely Effective Approach to Poverty Alleviation. [China's Uniquely Effective Approach to Poverty Alleviation \(scirp.org\)](https://www.scirp.org/)

favqulodda sa'y-harakatlar va maqsadli chora-tadbirlar bilan qattiq mehnat qilmoqda. Yuqoridan pastga qashshoqlikka qarshi kurash mexanizmi samarali, samarali qashshoqlikni kamaytirish strategiyasiga aylandi.

- Janubiy Koreya tajribasi : Janubiy Koreyada qashshoqlikni kamaytirish "Samarali farovonlik" deb nomlangan modelga ergashadi. Aynan shu holat tadqiqotiga ko'ra, ijtimoiy rivojlanishni rag'batlantirish va boyligni teng taqsimlash bilan birga barcha Koreya fuqarolari uchun asosiy turmush darajasini oshirishga harakat qiladi. Janubiy Koreyaning qashshoqlikni kamaytirishdagi muvaffaqiyati qishloq xo'jaligi unumdorligi va qishloq turmush tarzi, eksportga yo'naltirilgan sanoatlashtirish va urbanizatsiyaga, inson kapitaliga erta va barqaror investitsiyalarga qaratilgan chora-tadbirlarning ketma-ket kombinatsiyasi bilan bog'liq. Janubiy Koreyada kambag'allikni qisqartirishda ta'lim va texnologiya sektorlariga qaratilgan investitsiyalar muhim rol o'ynadi. Bu tajriba O'zbekistonda ta'lim va innovatsiyalarni rivojlantirish bo'yicha qabul qilinishi mumkin bo'lgan strategiyalarni o'rganish uchun muhimdir.⁶
- Meksika tajribasi: 1995 yilgi iqtisodiy inqirozdan so'ng qashshoqlikning ko'payishiga duch kelgan Meksika hukumati qashshoqlikni kamaytirish strategiyasini bosqichma-bosqich o'zgartirib, universal tortilla subsidiyalariga chek qo'ydi va buning o'rniga "PROGRESA" orqali inson kapitaliga yangi investitsiyalarni mablag' bilan to'ladi. Meksikada kambag'allikni qisqartirish uchun "PROGRESA" kabi ijtimoiy dasturlar joriy etildi, ular kam ta'minlangan oilalarga nafaqa va oziq-ovqat yordamlarini ko'rsatdi. O'zbekiston bu tajribadan ham foydalanishi mumkin, ayniqsa ijtimoiy yordam dasturlarini kengaytirish va samaradorligini oshirishda.⁷

NATIJALAR

O'zbekiston Respublikasi tomonidan qabul qilingan strategiyalar va amalga oshirilgan chora-tadbirlar natijasida so'nggi yillarda mamlakatda kambag'allik darajasining pasayishi kuzatilmoqda. 2023 yilda kambag'allik darajasi 11% ga tushgan bo'lib, bu 2018 yilga nisbatan 4 foiz bandga pasayishni anglatadi. Ushbu ko'rsatkichlar, iqtisodiy o'sish va ijtimoiy yordam dasturlarining samaradorligini ko'rsatmoqda. Ijtimoiy yordam va subsidiya dasturlari, shuningdek, ish o'rinlarini yaratishga qaratilgan tashabbuslar kambag'allik darajasini kamaytirishda muhim rol o'ynadi. Ayniqsa, "Yoshlar - kelajagimiz" davlat dasturi orqali minglab yangi ish o'rinlari yaratilgan va bu yoshlar orasida ishsizlik darajasini pasaytirishda muhim omil bo'lgan. Shuningdek, ijtimoiy nafaqa oluvchilar sonining oshishi kam ta'minlangan oilalarga sezilarli yordam bergan. Ta'lim va sog'liqni saqlash sohalariga qaratilgan sarmoyalar, aholi turmush darajasini oshirishda va kambag'allikni qisqartirishda muhim ahamiyatga ega bo'ldi. 2023 yilda ta'lim sohasiga kiritilgan investitsiyalar 10% ga oshgan, bu esa yosh avlodning bilim darajasi va mehnat bozorida raqobatbardoshligini oshirishga xizmat

⁶ South Korea poverty reduction. <https://borgenproject.org/south-korea-poverty-reduction/> - :~:text=Poverty%20reduction%20in%20South%20Korea%20follows%20a%20model%20known%20as,to%20the%20same%20case%20study.

⁷ Mexico poverty reduction. <https://weall.org/resource/mexico-poverty-reduction> - :~:text=Share%3A,in%20human%20capital%20through%20PROGRESA.

qildi. O'zbekistonning kambag'allikni qisqartirish strategiyalari xalqaro tajribalarni hisobga olgan holda amalga oshirilgan bo'lib, bu muvaffaqiyatli tajribalarni moslashtirish orqali mahalliy sharoitlarga moslashtirish imkonini berdi. Masalan, Xitoyning iqtisodiy o'sishga qaratilgan strategiyasi va Janubiy Koreyaning ta'limga qaratilgan yondashuvlari O'zbekiston uchun muhim o'rganish manbai bo'ldi. Infratuzilma rivojlanishi kambag'allikni qisqartirishning yana bir muhim omili sifatida namoyon bo'ldi. Hududlararo infratuzilmani yaxshilash, qishloq joylarda yashovchilar uchun yangi imkoniyatlar yaratish va investitsiyalarni jalb qilish kambag'allikni kamaytirish bo'yicha sezilarli natijalarni ta'minladi. Shunga qaramasdan, mamlakatda kambag'allikni qisqartirish yo'lida hali bir qator muammolar mavjud. Xususan, ishsizlik darajasini pasaytirish, ta'lim va sog'liqni saqlash xizmatlaridan foydalanishni yaxshilash, shuningdek, ijtimoiy yordam tizimining samaradorligini oshirish borasida qator ishlar qilish zarur. Shu bilan birga, xalqaro tajribalarni chuqurroq o'rganish va ulardan foydalanish orqali mamlakatdagi mavjud strategiyalarni takomillashtirish imkoniyati ham mavjud.

XULOSA

O'zbekiston Respublikasida kambag'allikni qisqartirish bo'yicha amalga oshirilayotgan strategiyalar, iqtisodiy o'sishni ta'minlash va ijtimoiy yordam dasturlarini kuchaytirishga qaratilgan sa'y-harakatlar sezilarli natijalar berayotgani tahlillar orqali aniqlandi. So'nggi yillarda mamlakatda kambag'allik darajasi pasayib, ijtimoiy himoya tizimi va infratuzilma rivojlanishida sezilarli yutuqlarga erishilgan. Ta'lim va sog'liqni saqlash sohalariga qaratilgan e'tibor ham aholining turmush darajasini oshirishda muhim rol o'ynadi.

Biroq, hali oldinda amalga oshirilishi kerak bo'lgan ko'plab ishlar mavjud. Ishsizlik darajasini yanada pasaytirish, ta'lim sifatini oshirish va qishloq joylarda yashovchi aholining iqtisodiy imkoniyatlarini kengaytirish O'zbekiston uchun muhim vazifalar bo'lib qolmoqda. Xalqaro tajribalar, xususan, Xitoy, Janubiy Koreya va Meksika tajribalari O'zbekiston uchun samarali strategiyalarni ishlab chiqishda foydali bo'lishi mumkin.

Kelajakda quyidagi yo'nalishlarda chora-tadbirlarni kuchaytirish maqsadga muvofiq:

1. Kambag'allikni qisqartirish uchun yangi ish o'rinlari yaratish, ayniqsa, yoshlar va ayollar uchun, hamda kichik va o'rta biznesni qo'llab-quvvatlash muhimdir. Tadbirkorlikni rivojlantirish uchun qulay muhit yaratish orqali aholi o'rtasida o'zini o'zi band qilish imkoniyatlarini kengaytirish lozim.
2. Mamlakatda ta'lim sifatini oshirish, zamonaviy kasb-hunar o'rgatish dasturlarini kengaytirish va yoshlarni raqobatbardosh kasblarga tayyorlash orqali ularning iqtisodiy imkoniyatlarini oshirish zarur.
3. Kam ta'minlangan oilalarga ko'rsatiladigan yordamni kengaytirish, ijtimoiy himoya tizimini yanada takomillashtirish va uning samaradorligini oshirish kambag'allikni qisqartirishda muhim o'rin tutadi.
4. Mamlakatning barcha hududlarida infratuzilma rivojlanishini ta'minlash, ayniqsa qishloq joylarda, aholini zamonaviy xizmatlar va imkoniyatlar bilan ta'minlash uchun zarurdir.

5. Kambag'allikni qisqartirishda xalqaro tajribalarni chuqur o'rganish va O'zbekiston sharoitlariga moslashtirish orqali samarali strategiyalar ishlab chiqish lozim.

Kambag'allikni qisqartirish bo'yicha taklif va tavsiyalar: Kam ta'minlangan aholini qo'llab-quvvatlash tizimini mustahkamlash, ijtimoiy yordam dasturlarini kengaytirish va ular samaradorligini oshirish zarur. Ta'lim va kasb-hunar o'rgatish tizimini takomillashtirish orqali yoshlar va ishsiz fuqarolarni mehnat bozoriga kirib kelishini qo'llab-quvvatlash lozim. Mamlakatning barcha hududlarida infratuzilmani rivojlantirish orqali kambag'allikni qisqartirish va iqtisodiy o'sishga erishish mumkin.

Shunday qilib, O'zbekiston Respublikasi kambag'allikni qisqartirish bo'yicha amalga oshirilayotgan strategiyalarning samaradorligini oshirish uchun qator chora-tadbirlarni amalga oshirish va xalqaro tajribalardan foydalanish orqali yanada katta natijalarga erishishi mumkin. Ushbu sa'y-harakatlar mamlakatning ijtimoiy-iqtisodiy rivojlanishida muhim o'rin tutadi va milliy taraqqiyot strategiyasining asosiy maqsadlarini amalga oshirishga hissa qo'shadi.

FOYDALANILGAN ADABIYOTLAR RO'YXATI

O'zbekiston Respublikasi Prezidentining 27.06.2018 yildagi PF-5466-sonli "Yoshlar — kelajagimiz" Davlat dasturi to'g'risidagi farmoni. <https://lex.uz/docs/-3826820>

O'zbekiston Respublikasi Prezidenti huzuridagi Statistika agentligi ma'lumotlari. [https://stat.uz/uz/rasmiy-statistika/living-standards-2#:~:text=Aholi%20daromadlarining%20notekis%20taqsimlanishi%20\(Jini%20koeffit-sienti\)](https://stat.uz/uz/rasmiy-statistika/living-standards-2#:~:text=Aholi%20daromadlarining%20notekis%20taqsimlanishi%20(Jini%20koeffit-sienti))

O'zbekiston Respublikasi Prezidenti huzuridagi Statistika agentligi ma'lumotlari. [https://stat.uz/uz/rasmiy-statistika/national-accounts-2#:~:text=Yalpi%20ichki%20mahsulot%20hajmi%20\(ishlab%20chiqarish%20usulida%20C%20joriy%20narxlarda%20C%20yillik\)](https://stat.uz/uz/rasmiy-statistika/national-accounts-2#:~:text=Yalpi%20ichki%20mahsulot%20hajmi%20(ishlab%20chiqarish%20usulida%20C%20joriy%20narxlarda%20C%20yillik))

O'zbekiston Respublikasi Prezidenti huzuridagi Statistika agentligi ma'lumotlari. [https://stat.uz/uz/rasmiy-statistika/investments#:~:text=Asosiy%20kapitalga%20investitsiyalarning%20o%E2%80%98sish%20sur%E2%80%98ati%20\(yillik\)](https://stat.uz/uz/rasmiy-statistika/investments#:~:text=Asosiy%20kapitalga%20investitsiyalarning%20o%E2%80%98sish%20sur%E2%80%98ati%20(yillik))

China's Uniquely Effective Approach to Poverty Alleviation. [China's Uniquely Effective Approach to Poverty Alleviation \(scirp.org\)](http://scirp.org)

South Korea poverty reduction. <https://borgenproject.org/south-korea-poverty-reduction/>
:~:text=Poverty%20reduction%20in%20South%20Korea%20follows%20a%20model%20known%20as,to%20the%20same%20case%20study.

Mexico poverty reduction. <https://weall.org/resource/mexico-poverty-reduction> - :~:text=Share%3A,in%20human%20capital%20through%20PROGRESA.